



KETUA PENGARAH PERKHIDMATAN AWAM
DIRECTOR-GENERAL OF PUBLIC SERVICE
Jabatan Perkhidmatan Awam Malaysia
Public Service Department, Malaysia
Aras 13, Blok C1, Kompleks C
Pusat Pentadbiran Kerajaan Persekutuan
62510 W.P. PUTRAJAYA
MALAYSIA

Tel: 603-88853001
Faks (Fax): 603-88892187
Laman Web (Web): www.jpa.gov.my

Ruj. Kami : JPA.100-1/5/1 (15)
Tarikh : 29 Julai 2020

Kepada Yang Berkenaan

Yang Berbahagia Datuk/ Dato'/ Datin/ Dr./ Tuan/ Puan,

MEMERANGI PENULARAN WABAK COVID-19 TANGGUNGJAWAB BERSAMA

Dengan hormatnya saya merujuk kepada perkara di atas.

2. Susulan daripada perutusan khas YAB Perdana Menteri mengenai perkembangan terkini Perintah Kawalan Pergerakan Pemulihan (PKPP) pada 20 Julai 2020 serta kewujudan kluster-kluster baharu COVID-19 dalam tempoh PKPP, seluruh warga Jabatan Perkhidmatan Awam (JPA) adalah diingatkan untuk sentiasa mematuhi *Standard Operating Procedure (SOP)* dan peraturan yang telah ditetapkan bagi memutuskan rantaian wabak COVID-19 yang sedang melanda negara kita.

3. Berdasarkan laporan *World Health Organization (WHO)*, kadar peningkatan wabak COVID-19 di seluruh dunia semakin membimbangkan. Kita juga akan berdepan dengan situasi yang lebih mencabar sekiranya kita gagal untuk mengamalkan disiplin kendiri. Banyak sumber-sumber kita telah diguna dan digembangkan semasa melawan penularan wabak COVID-19 ini melalui gerak kerja difasa-fasa Perintah Kawalan Pergerakan (PKP). Janganlah sia-siakan usaha kita selama ini. Sungguhpun usaha-usaha kita telah menampakkan kejayaan, kita masih berdepan dengan ancaman wabak COVID-19, lebih-lebih lagi

sekiranya kita lalai dan tidak mematuhi SOP sedia ada. Adalah menjadi tanggungjawab kita bersama untuk terus memastikan penularan wabak COVID-19 di negara ini dapat dikawal sepenuhnya.


4. Justeru, kita hendaklah sentiasa mengamalkan SOP yang telah ditetapkan iaitu **memakai pelitup muka** semasa berada di tempat awam atau bersama khalayak ramai, **mengamalkan kebersihan diri** dengan kerap membasuh tangan serta menggunakan *hand sanitizer* serta **mengamalkan prinsip penjarakan sosial**. Warga JPA turut diingatkan untuk mengelakkan **3S** – iaitu berada di tempat yang **sesak** (*crowded places*), tempat yang **sempit dan tertutup** (*confined space*) dan **bersembang dekat-dekat** (*close conversation*).

5. Sehubungan itu, kita dimohon untuk sentiasa mematuhi SOP dan mengamalkan norma baharu agar penularan wabak COVID-19 ini dapat ditangani sepenuhnya. Sebagai penjawat awam, kita seharusnya menjadi contoh yang baik buat masyarakat dalam usaha menangani penularan wabak COVID-19 dari terus meningkat atau berulang. Bersama-sama kita berusaha dan berdoa agar rantaian penularan wabak COVID-19 dapat diputuskan.

Sekian, terima kasih.

“BERKHIDMAT UNTUK NEGARA”

Saya yang menjalankan amanah,



(DATUK MOHD KHAIRUL ADIB BIN ABD RAHMAN)